



Projet promovût di 'La Vôs dai Furlans' e 'ARLeF'

Lu savevisio
che...?

Daria e Bete
nus insegnin...




Trops di voaltris àno un cjanut? Ce vino di puartà simpri cun nô cuant che lu menin ator? Cu la cusine Bete o din une rinfrescjade ae memorie!

Cjalin la pontade di Maman!
"Foscje la moscje" su



Di ducj i insets che o cognossin, al è un che al è cognossût pe sô puce: la pudiese! Soredut vie pe Vierte o pe Sierade, si le cjate tai zardins, tai cjamps, e cualchidune e svolte ancje in cjase. Chescj insets, di colôr vert o maron, no son pericolôs pai oms. Ma parcè la pudiese aie chest odorat? No simpri e puce: e sbrufe une substance stomeose dome cuant che e cjape pôre o si sint menaçade di predadôrs. Joi, fruts! Ocjo di no tocjâle cence volê, se no... puf!



Cumò fâs tu!



Trops sono?



Piture il dissen



Dilu in plui lenghis!



PUCE



SMELL



OLEZZO

Pagjine curade
dal Sportel Regionâl
pe Lenghe Furlane de

ARLeF
AGENZIE
REGIONÂL
PE LENGHE
FURLANE

Vuelistu tornâ
a viodi lis pontadis
di Maman!? Cirilis su



ANCJE
'ON DEMAND'
SU telefriuli

O cjale lis
replichis su
telefriuli

Vinars aes 18.30
e domenie aes 7.00
e aes 13.00

STELIS E LUSIGNIS
Noa



Roc. No tu âs avonde energie par dutis lis robis che tu âs di frontâ, dopre ben lis tôs fuarcis.



Taur. Tu âs domandât une man a cualchidun, no stâ a crodi che dopo nol vignedi a domandâti un plasê indaûr.



Zimui. Tu tasis masse su lis robis che ti fasin tribulâ, invezit di vierziti di plui cun chei che ti stan dongje.



Gjambar. Tu âs di frontâ un biel dubi: restâ leât ae vite di ogni di o fâ un biel viaç? In ducj i doi i câs, tu risolvârâs cuntun truc.



Leon. No tu sês convint di une siele fate pôc timp indaûr, ma cambiâ cumò al è masse tart.



Vergjine. Une cuistion ti somee une vore imberdeade e tal ultin al sarâ un parint a disberdeâl.



Balance. Tu âs di cjapâ une decision impuartante, dopre dut il timp che tu âs a disposizion.



Sgarpion. Sedi la vitorie che la disfate no son mai plenis, tu âs di acetâ cheste regule.



Sagjitari. Tu crodevi di rivâ a no pensâ a une persone e invezit tu te cjatis simpri denant.



Bec di mont. Tu âs voie di vê alc di siôr, no stâ a lassâ che chei altris a selzedin par te.



Agarûl. Un amî si spiete un consei impuartant di te, ma no tu sês ancjemò rivât a capî dulâ indreçâl.



Pes. Tu crodis simpri di rivâ a convinci chei altris, ma dispès ti disin di sì dome par fâti un plasê.